

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I C A
Broj: T04 0 KT 0051769 23
Zenica, 08.11.2023. godine

OPĆINSKOM SUDU U KAKNJU
-Sudiji za prethodno saslušanje-
KAKANJ

Na osnovu člana 45. stav 2. tačka i), člana 241. stav 1. ZKP-a F BiH, p o d i ž e m

O P T U Ž N I C U

Protiv:

LOPO AMINE, rođena 1995. godine u Kaknju, neosuđivana

što je:

dana 20.01.2023. godine oko 07,10 sati na području općine Kakanj, upravljajući putničkim motornim vozilom marke „Ford“, reg. oznaka ..., krećući se industrijskim putem iz pravca naselja Povezice u ulici 311. Lahke brigade, nije obratila pažnju na pješaka S.V. koji je gurao biciklo pored sebe uz desnu ivicu kolovoza, iako je bila svjesna da na taj način može ugroziti javni promet i nastupiti zabranjena posljedica, ali je olako držala da ona neće nastupiti ili da će je moći spriječiti, pa postupajući suprotno odredbama člana 28. stav 1. Zakona o osnovama bezbjednosti saobraćaja na putevima BiH, kod odvajanja puta prema parkingu Željezničke stanice prema Kapiji 2 Tvornice cementa Kakanj, desnom bočnom stranom vozila ostvarila kontakt sa pješakom S. V., od kojeg kontakta je isti pao na zemlju i time tako ugrozila bezbjednost javnog prometa, uslijed čega je pješak S. V. zadobio višestruke povrede tijela i to: grudnog koša-oba pluća, trbuha-masne duplikature tankog crijeva, masivno krvarenje u meka tkiva cijelog zatrbušja i prijeloma vratne kičme u nivou drugog vratnog kralješka od kojih ozljeda je istog dana u Kantonalnoj bolnici Zenica preminuo,

dakle, kao učesnik u prometu na putevima koji se ne pridržava prometnih propisa, time tako ugrozila javni promet, da je dovela u opasnost živote ljudi, pa je zbog toga prouzrokovala smrt jedne osobe,

čime bi učinila krivično djelo teška krivična djela protiv sigurnosti javnog prometa iz člana 336. stav 4. u vezi člana 332. stav 3. u vezi sa stavom 1. KZ F BiH.